



## Universitätsbibliothek Paderborn

**Militia Immaculatae Conceptionis Virginis Mariae, Contra  
Malitiam Originalis Infectionis Peccati**

**Alva y Astorga, Pedro de**

**Lovanij, 1663**

Bonam Militiam in promovenda Deiparae Immaculatè conceptae gloriâ  
strenuissimè ...

**urn:nbn:de:hbz:466:1-13965**

De legalitate verò in transcribendis originalibus potuit esse aliquis error ex inadvertentia invincibili, & humanâ fragilitate; sed quod nec unam literam mutaverim ex destinato animo, hoc sine ullo scrupulo possum testificari. In Amanuensis transcriptione factâ Matriti à Presbytero D. Joanne de Tholedo, in Belgio constitutus tempore editionis inventi aliqua non rectè legisse ex meo charactere, cum nullum ficerent sensum, præsertim in Auctori bus Græcis, quæ necesse fuit hujusmodi signis . . . . in aliquibus locis notari. Sed cum hoc sit in antecedentibus, vel consequentibus sententiam formalem de Virginis Dei Matris puritate, sensatis res erit parvi momenti: & si malevolis fuerit occasio alicujus offendiculi, corrigant, quia solum veritatem desideramus.

Procesi Ordine Alphabetico non per classes, quia opus hoc est quasi quidam Index universalis omnium Auctorum scribentium directè, vel indirectè, ex professo, vel incidenter, quæ spectant ad hanc materiam, vel concernere possunt. Si aliquis aliter structuram desiderat, facillimè poterit modò per personarum diversos status Summorum Pontificum, Cardinalium, Episcoporum, &c. usque ad Poëtas & fœminas illam distribuere. Sunt enim circa hoc frequenter diversa, immò opposita ingenia hominum. Feci quod potui, & qui alia invenerit, addat; quia sicut in scribendis libris non erit finis usque ad consummationem sæculi, ita neque iste erit in Iudicibus Sacratissimæ Dei Matris Virginis MARIÆ, & Filij ejus Domini Nostri JESU CHRISTI; cui sit laus, ut erit in æternum, quia nobis dedit vitam, & vires, ut hujus laboris videremus ultimum complementum.

### Approbatio Censoris ordinarij.

**L**ectulum Salomonis olim ambiebant sexaginta fortis ex fortissimis Israël, omnes tenentes gladios, & ad bella doctissimi, &c. Cantic. 3. At mysticum illum mystici Salomonis Lectulum nunc ambiunt, & circumdat plusquam sex millia virorum ac Herorum sagò, togâque, seu religione & doctrina præstantissimorum, quos recenset hæc MILITIA adversus Malitiam, à Reverendo Admodum P. F. PETRO DE ALVA ET ASTORGA, Lectori Jubilato, Supremæ Inquisitionis Qualificatore, &c. conscripta, cuius Tesseræ Militaris est. Vivat Immaculata Conceptio Deiparae Virginis; ad illam enim tutandam, omnes sunt tenentes calamos, & libros, velut gladios, hastas, & amentata jacula. Prodeant igitur è prælo in prælium, ad maiorem Matris Virginis, & Filij ejus Redemptoris omnium gloriam: habent enim faventem sibi Solem Veritatis per diem, & Lunam per noctem; sed illam Lunam, quæ tota pulchra est, & sine macula. Datum Lovanij hæc 20. Octobris 1663.

A. DAVE' S. Theol. Doctor, & Professor Regius  
Primarius, nec non Libr. Visitator, & Censor  
Apostolicus, & Archiep. Mechliniensis.

**B**onam Militiam in promovenda Deiparae Immaculatæ conceptæ gloriâ strenuissimè dudum militavit, ac etiamnum militare non cessat R. A. P. F. PETRUS DE ALVA ET ASTORGA, Ordinis Sancti Francisci Pater, ac ex-Procurator Generalis, S. Theol. Lector Jubilatus, Supremæ Inquisitionis Qualificator, dum in suo opere, cui titulus: *Militia pro Immaculata Conceptione Deiparae Virginis MARIE, contra malitiam peccati originalis, validissimè circumdat domum illam, in qua habitavit Altissimus, ex his, qui militant Deiparae Immaculatæ conceptæ: ac instar Ducis peritissimi è militibus, undeque copiosissimè non sine maximo labore & studio collectis, instruit veluti castrorum aciem ordinatam, hostibus cunctis, in suis copijs SOLI VERITATIS expositis, ac dispersis frustâ gloriantibus, meritò terribilem. Prindè lucem meritissimè opus hoc videbit, lucem mysterio non modicam allaturum.* Ita censuimus Lovanij in Conventu nostro Fratrum Minorum die 31. Augusti 1663.

F. GUIL. HERINX, S. Theol. Lector Jubilatus, ac Provincia Germania inferioris Coflos.

Fr. JOAN. BOSCO, S. Theol. Lector Jub. ac Prov. Germ. inferioris Diffinitor.